

"মিষ্টি বাচ্চারা - তোমাদের রুহানী সার্জন এবং প্রফেসর হয়ে হাসপিটাল কাম ইউনিভার্সিটি খুলে অনেকের উপকার করতে হবে"

প্রশ্নঃ - বাবা ধর্ম স্থাপনা করেন, কিন্তু অন্য ধর্মস্থাপকেরা এসেও ধর্ম স্থাপনা করেছিলো, এই দুইয়ের মধ্যে প্রভেদ কি ?

উত্তরঃ - বাবা শুধু ধর্ম স্থাপন করেই চলে যান, সে ক্ষেত্রে অন্য ধর্মস্থাপকেরা তাদের নিজেদের প্রারব্ধ বানানোর পরে যায়। বাবা নিজের প্রারব্ধ বানান না। বাবাও যদি প্রারব্ধ বানাতেন তবে বাবারও পুরুষার্থ করার জন্য অন্য কাউকে প্রয়োজন হতো। বাবাও বলেন, আমাকে রাজ্য শাসন করতে হয়না। আমি তো বাচ্চাদের জন্য ফার্স্টক্লাস প্রারব্ধ বানাই।

গীতঃ- হে রাতের পখিক, ক্লান্ত হয়োনা ! উষার আলো ওই দেখা যায়...

ওম্ শান্তি। এই গান যেন তোমরা বাচ্চারা তৈরি করেছ। গানের অর্থ আর কেউ বুঝতে পারেনা। বাচ্চারা জানে ঘোর অন্ধকার শেষ হয়ে আসছে। এই অন্ধকার ধীরে ধীরে হয়েছে। এখন তোমরা বলবে এই সময় ঘোর অন্ধকার। তোমরা এখন আলোর পথের যাত্রী হয়েছ অর্থাৎ শান্তিধামের, বাবা-মায়ের ঘরের। বাবা-মায়ের সেই ঘর পবিত্র, আর এখানে বাবা-মায়ের ঘর পতিত। প্রজাপিতা ব্রহ্মার মধ্যে স্নেহশীল যিনি বসে আছেন, তাঁকে তোমরা বাবা বলো। তিনি তোমাদের পবিত্র বানিয়ে তাঁর ঘরে নিয়ে যান। তিনিও বাবা ইনিও বাবা। তিনি নিরাকার আর ইনি সাকার। বেহদ বাবা ছাড়া আর কেউ বাচ্চা বলতে পারেনা। একমাত্র বাবাই এইরকম বলেন কারণ বাচ্চাদের তাঁকে ঘরে ফিরিয়ে নিয়ে যেতে হয় তাঁর সাথে। তিনি তোমাদের নলেজ দিয়ে পবিত্র বানিয়েছেন। বাচ্চারা তোমরা বুঝতে পারছ যে তোমাদের অবশ্যই পবিত্র হতে হবে। বাবাকে এবং সৃষ্টি চক্রকে স্মরণ করতে হবে। এই জ্ঞান থেকে তোমরা এভার হেলদি হও। কেউ কেউ বলে, আমার করার মতো কোনও সেবা থাকলে বলো। তিন ফুট জমি দিয়ে সেখানে রুহানী কলেজ কাম হাসপিটাল বানাও, এটাই সেবা। তাহলে তার ওপরে কোনো বোঝাও হবেনা। কোনকিছু বলার প্রশ্নই নেই। তোমাদের রায় দেওয়া হয়, যদি তোমাদের অর্থ থাকে তবে রুহানী হাসপিটাল বানাও। এমন অনেক অনেক আছে যাদের কাছে কোনো পয়সা নেই। তারাও রুহানী হাসপিটাল কাম ইউনিভার্সিটি খোলে। পরে গিয়ে তোমরা দেখবে অনেক হাসপিটাল খুলে যাবে। রুহানী সার্জন হিসেবে তোমাদের নাম লেখা থাকবে - রুহানী সার্জন এবং প্রফেসর। রুহানী হাসপিটাল এবং ইউনিভার্সিটি খুলতে খরচ নেই। মেল-ফিমেল উভয়েই রুহানী সার্জন এবং প্রফেসর হতে পারে। আগে, ফিমেলরা সেইরকম হতনা, তখন সবরকম ব্যবসায়িক কাজকর্ম পুরুষের হাতে থাকতো। এখন মাতারাও সেই কাজ করতে বেরিয়ে আসছে। অতএব, তোমরাও রুহানী সার্ভিস করো। যখন এই জ্ঞানে তোমরা আকৃষ্ট হবে তখন অন্যদেরও বোঝানো সহজ হয়ে যায়। তোমাদের ঘরে বোর্ড লাগাও। কিছু হাসপিটাল বড় আর কিছু ছোট হয়। যদি কোনো পেশেন্টের বড় হাসপিটালে যাওয়ার প্রয়োজন হয়, তোমাদের তাকে বলা উচিত, এসো, আমি তোমাকে বড় হাসপিটালে নিয়ে যাবো; সেখানে বড় বড় সার্জন আছে। বড় সার্জন ছোট সার্জনকে উপদেশ দেয়। তারা তাদের ফী নিয়ে নেয়, তারপর পেশেন্টের অবস্থা বুঝে রায় দেয়, যে তার বড় সার্জনের কাছে যাওয়া উচিত। সুতরাং এইরকম সেন্টার খুলে বোর্ড লাগিয়ে দাও,

তাহলে মানুষ বিস্ময়ে অভিভূত হয়ে যাবে। এইসব তো সাধারণ ভাবে বোঝার ব্যাপার। কলিযুগের পরে অবশ্যই সত্যযুগ আসে। ভগবান বাবাই নতুন দুনিয়ার স্থাপনা করেন। তোমরা যখন এমন বাবাকে খুঁজেই পেয়েছ তাহলে কেন না তোমরা তাঁর থেকে উত্তরাধিকার নেবে! তোমাদের মন - বচন - কর্ম দ্বারা ভারতকে সুখ দাও। তোমাদের মন, বচন, কর্ম রহনী হতে হবে। মম্মা অর্থাৎ স্মরণ এবং বচন, মাত্র দুটো শব্দই তোমরা শোনাও - 'মনমনাভব' আর 'মধ্যাজীভব', বাবা আর উত্তরাধিকার স্মরণ করো। এই দুটোই তো বচন, তাই না! উত্তরাধিকার কিভাবে লাভ করেছে আর কিভাবে তাকে হারিয়েছ - এটাই চক্রের রহস্য! বৃদ্ধমাতাদেরও আগ্রহ থাকা উচিত। বলা উচিত আমাদেরও শেখাও। বৃদ্ধারাও এমন শেখায় যে বিদ্বান-পন্ডিতেরাও পারেনা। এইভাবে তোমাদের নাম গৌরবান্বিত করবে। ছবিগুলোও বোঝাতে খুব সোজা। কারও ভাগ্যে যদি না থাকে, তবে তারা পুরুষার্থ করবেনা। শুধু এটা ভেবে বোসো না যে, আমি তো বাবার হয়ে গেছি! সে তো সব আত্মারাই হল বাবার। সব আত্মাদের বাবা পরমাত্মা। এ হল এক সেকেণ্ডের বিষয়। কিন্তু এটাই বোঝানোর যে, তোমরা কিভাবে তাঁর থেকে উত্তরাধিকার লাভ করো এবং তিনি কখন আসেন। তিনি সঙ্গমযুগে আসবেন। তিনি বোঝান, সত্যযুগে তোমরা এত জন্ম নিয়েছ এবং ত্রেতায় এত জন্ম। তোমরা ৮৪ জন্মের চক্র সম্পূর্ণ করেছে। স্বর্গের এখন আবার স্থাপনা হতে হবে। সত্যযুগে আর অন্য কোনো ধর্ম নেই। কত সহজ কথা! অন্যকে বোঝানোতে অনেক খুশি হয়। তোমরা সুস্বাস্থ্য লাভ করবে কারণ তাদের আশীর্বাদ তোমাদের সাথে থাকবে। বৃদ্ধা মাতাদের জন্য এটা খুব সহজ। তারা দুনিয়াকে উপলব্ধি করেছে। যদি তারা কাউকে বোঝায় তো তারা আশ্চর্য করে দেখাবে। শুধু বাবাকে স্মরণ করো আর তাঁর থেকে তোমাদের উত্তরাধিকার লাভ করো। জন্ম নেওয়ার সাথে সাথেই তোমরা মাম্মা বাবা বলতে শুরু করো। তোমাদের অর্গ্যান্স অনেক বড়। তোমরা এটা বুঝে বোঝাতে পারো। তোমরা অর্থাৎ বৃদ্ধা মাতাদের বাবার নাম মহিমান্বিত করার প্রবল আগ্রহ থাকা উচিত এবং খুব মিষ্টি হওয়া উচিত। মোহ মমত্ব নিঃশেষ হয়ে যাওয়া উচিত। সবাইকেই মরতে হবে। জীবনের অল্প কদিন যা বাকি আছে কেন না আমরা একের সাথেই বুদ্ধিযোগ লাগাই? তোমার যতটুকু সময় আর আছে বাবার স্মরণে থাকো এবং সবার থেকে মমত্ববোধ সরে যাবে। যখন কারও ৬০ বছর বয়স হয় সে বাণপ্রস্থে চলে যায়। তারা খুব ভালো বোঝাতে পারে। নলেজ ধারণ করে অন্যেরও কল্যাণ করা উচিত। ভালো ঘরের কন্যারা এমন পুরুষার্থ করে যে, ঘরে ঘরে গিয়ে বোঝালে নাম কত না যশোদায়ক হবে। পুরুষার্থ করে শেখা উচিত, আগ্রহ থাকা উচিত। এই নলেজ অতি ওয়ান্ডারফুল। বলা - দেখ কলিযুগ এখন সম্পূর্ণ হয়ে আসছে। মৃত্যু সবার সামনে দাঁড়িয়ে। কলিযুগের শেষে এসে বাবা স্বর্গের উত্তরাধিকার দেন। কৃষ্ণকে বাবা বলা হবেনা, তিনি ছোট বাচ্চা। সত্যযুগের রাজ্য লাভ তাঁর কিভাবে প্রাপ্তি হয়েছে! নিশ্চয়ই পূর্ব জন্মে তেমন কিছু কর্ম করেছিলেন। তুমি বোঝাতে পারো যে, ইনি (ব্রহ্মা) প্রকৃত পুরুষার্থ করে প্রারব্ধ তৈরি করেছিলেন। তিনি কলিযুগে পুরুষার্থ করেছিলেন এবং সত্যযুগে প্রারব্ধ লাভ করেছেন। সেখানে একজনও কেউ নেই যে অন্যকে পুরুষার্থ করানোর প্রেরণা দিতে পারে। তাদের সত্য এবং ত্রেতায়ুগে কত প্রারব্ধের প্রাপ্তি হয়েছে! নিশ্চয়ই উঁচু থেকেও উঁচু বাবাকে খুঁজে পেয়েছে যিনি গোল্ডেন, সিলভার এজের মালিক বানান, অন্য কেউ তোমাদের এমন বানাতে পারেনা। তোমরা নিশ্চয়ই বাবাকে খুঁজে পেয়েছ। লক্ষ্মী-নারায়ণকে তোমরা খুঁজে বার করতে পারবে না। এমনও নয় যে তোমরা ব্রহ্মা বা শংকরকে খুঁজে পেয়েছ। না! তোমরা ভগবানকে পেয়েছ। তিনি নিরাকার। ভগবান ছাড়া কেউ নেই যে পুরুষার্থ করাবে। ভগবান বলেন, আমি তোমাদের জন্য ফাস্টক্লাস প্রারব্ধ বানাই। আদি সনাতন দেবীদেবতা ধর্মের স্থাপনা হয়। স্থাপনা এখানেই করতে হবে একমাত্র বাবাই, যিনি তোমাদের এই পুরুষার্থ করতে

প্রেরণা দেন। অন্য সবাই যারা ধর্ম স্থাপনা করে তারা একজনের পিছনে একজন নীচে আসতে থাকে। যারা ধর্ম স্থাপনা করে তারা নিজেদের প্রারম্ভ তৈরি করে চলে যায়। বাবা কখনও তাঁর নিজের জন্য প্রারম্ভ বানান না। যদি তিনি প্রারম্ভ তৈরি করতেন, তবে তাঁকেও পুরুষার্থ করানোর প্রেরণা দিতে কাউকে প্রয়োজন হতো। শিববাবা বলেন, আমাকে কে পুরুষার্থ করাবে! আমার পাট এইরকমই, আমি রাজ্য শাসন করিনা। এই ড্রামা পূর্ব নির্ধারিত।

বাবা বসে বোঝান, আমি তোমাদের সব বেদ শাস্ত্রের সার বোঝাই। সেইসবই ভক্তিমার্গের। ভক্তিমার্গ সম্পূর্ণ হয়ে এসেছে। এই পথ অবরোহণের অর্থাৎ উত্তরতি কলা, তোমাদের হলো আরোহণ অর্থাৎ চড়তি কলা। বলা হয়, চড়তি কলা – কেবল একার সবার জন্য ভালো। সবাই মুক্তি এবং জীবনমুক্তি লাভ করে। পরে, ১৬ কলা থেকে নামতে নামতে নো (No) কলায় তোমাদের আসতেই হবে। গ্রহণ লাগে। গ্রহণ ধীরে ধীরে সবকিছুতে ছড়িয়ে পড়ে। এটা বেহদের কথা। এখন তোমরা সম্পূর্ণ হচ্ছ। তারপরে ত্রেতাযুগে দু'কলা কমে যায়; তোমরা সমান্য অধোগতি প্রাপ্ত হও। এই কারণে তোমাদের সত্যযুগের রাজত্বের জন্য পুরুষার্থ করা উচিত। কম কিছু কেন নেবে? যাই হোক পরীক্ষায় কেউই পাস করতে পারেনা এবং ১৬ কলা সম্পূর্ণ হয়না। তোমরা অর্থাৎ বাচ্চাদের পুরুষার্থ করতে এবং করাতে হবে। এই ছবিগুলোর মাধ্যমে খুব ভালো সেবা হতে পারে। খুব ক্লিয়ারলি লেখা হয়েছে। তাদের বলা, বাবা যখন স্বর্গের রচনা তৈরি করেন তবে আমরা নরকে কেন পড়ে থাকব? এই দুনিয়া নরক হয়ে গেছে, দুঃখ ছাড়া কিছু নেই। তারপর অবশ্যই সত্যযুগের নতুন দুনিয়া আসা উচিত। বাচ্চাদের বুদ্ধিতে নিশ্চয় আছে। এখানে অন্ধবিশ্বাস বলে কিছু নেই। কোনো কলেজে অন্ধবিশ্বাসের কোনো জায়গা নেই। এম্ অবজেক্ট সামনে উপস্থিত। মানুষ সেইসব কলেজে এই জন্মে পড়ে এবং এই জন্মেই প্রারম্ভ লাভ করে। এখানে, তুমি এই পড়ার প্রারম্ভ লাভ করো বিনাশের পর, তোমার নতুন জন্মে। দেবী-দেবতারা কিভাবে কলিযুগে আসবে? তোমরা অর্থাৎ বাচ্চাদের জন্য এটা বোঝানো খুব সহজ। খুব ভালো ছবি বানানো হয়েছে। ঝাড়ের ছবিও খুব ভালো। খৃষ্টানরাও ঝাড়ে বিশ্বাস করে; তারা খুশি উদযাপন করে তাদের রাজত্বের। সবার নিজের নিজের পাট আছে। তোমরা এটাও জানো যে, ভক্তি অর্ধ কল্পের। ভক্তিতে জপ, তপ, তীর্থ ইত্যাদি সব হয়। বাবা বলেন, তারা আমায় খুঁজে পায়না। যখন তোমাদের ভক্তি সম্পূর্ণ হয়ে আসে, তখনই ভগবান আসেন। অর্ধকল্প জ্ঞান এবং অর্ধকল্প ভক্তি। ঝাড়ের ছবিতে ক্লিয়ারলি লেখা আছে। লেখা নেই এমন ছবিতেও তোমরা বোঝাতে পারো। ছবির দিকে তোমাদের অ্যাটেনশন দিতে হবে, এতে কত ওয়ান্ডারফুল নলেজ আছে। এটা এইরকম হয়না, যে শরীর তুমি লোন নিয়েছ, তাকেই নিজের সম্পত্তি ভাববে! না, ভাবতে হবে যে তুমি ভাড়াটে। এই ব্রহ্মা নিজেও এখানে বসে আছেন; তাঁকেও এখানে বসাতে হবে। ঠিক যেমন কোনো কোনো বাড়ীতে বাড়ির মালিকও থাকে ভাড়াটেও থাকে। বাবা সারা সময় তো এই শরীরের মধ্যে থাকবেনা, একে হসেনের রথ বলা হয়ে থাকে। যেমন যিশুখ্রিস্টের আত্মা প্রাপ্তবয়স্ক শরীরে প্রবেশ করে খৃষ্টান ধর্ম স্থাপন করেছে। শৈশবের শরীর ছিলো আলাদা আত্মার। সেই ব্যক্তি ছোট বয়সে অবতার ছিলনা। নানকের আত্মাও সেই শরীরে পরে প্রবেশ করে শিখ ধর্মের স্থাপন করে। এই কথা সেই সমস্ত লোকেরা বুঝতে পারেনা। এই বিষয়ে খুব ভালোভাবে বুঝতে হবে। পবিত্র আত্মাই এসে ধর্ম স্থাপন করে। এখন কৃষ্ণ তো হলেন সত্যযুগের প্রথম প্রিন্স, তারা কেন তাঁকে দ্বাপরে নিয়ে গেছে! তারা সত্যযুগে লক্ষ্মী-নারায়ণের রাজ্য দেখায়। তোমরা জানো, রাধাকৃষ্ণই পরে লক্ষ্মী-নারায়ণ হয়ে বিশ্বের মালিক হন। তাঁদের রাজধানীর স্থাপনা কিভাবে হয়েছিলো, তা' কারও বুদ্ধিতে নেই।

তোমরা জানো, বাবা একবারই অবতরিত হয়ে পতিতকে পবিত্র বানান। কৃষ্ণের জন্মও তোমাদের প্রমাণ করতে হবে। কৃষ্ণ জ্ঞান দেননি। যিনি তাঁকে বানিয়েছেন, সর্বাগ্রে তাঁর জয়ন্তী উদযাপন করা উচিত। শিব জয়ন্তীতে মানুষ ব্রত ইত্যাদি রাখে। তারা তাঁর ওপরে দুধও ঢালে, রাত্রি জাগরণ করে। যেকোনভাবে এখানে তো রাত্রিই। যতদিন তুমি বাঁচবে, তোমাকে পবিত্রতার ব্রত রাখতে হবে। একমাত্র এই ব্রত ধারণেই তুমি পবিত্র দুনিয়ার মালিক হতে পারবে। কৃষ্ণ জয়ন্তীতে তোমাদের বোঝানো উচিত যে কৃষ্ণ গৌরবর্ণ ছিলেন পরে শ্যামবর্ণ হয়েছেন, এইজন্য তাঁকে শ্যামসুন্দর বলা হয়ে থাকে। জ্ঞানের এই কথা কত সহজ! শ্যামসুন্দরের অর্থ বোঝাতে হবে এবং চক্র কিভাবে ঘোরে। বাচ্চারা, তোমাদের সতর্ক হতে হবে। শিবশক্তি ভারতকে স্বর্গ বানিয়েছে, এটা কারও জানা নেই। বাবাও গুপ্ত, জ্ঞানও গুপ্ত এবং শিবশক্তিও গুপ্ত। তোমরা ছবি নিয়ে যে কোনো কারও ঘরে যেতে পারো। বলা, তোমরা সেন্টারে আসোনা এইজন্য আমরা তোমাদের ঘরে এসেছি, তোমাদের সুখধামের রাস্তা বলতে। তখন তারা বুঝতে পারবে যে তোমরা তাদের শুভচিন্তক। এখানে শ্রুতিমাধুর্যের কোনো কথা নেই। শেষে মানুষ বুঝবে প্রকৃতই তারা তাদের লাইফ নষ্ট করেছে, যেখানে তোমরা তোমাদের লাইফ সার্থক বানিয়েছ। আচ্ছা!

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপ দাদার স্মরণ-স্নেহ আর গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ-

১) নষ্টমোহা হয়ে এক বাবার সাথেই বুদ্ধিযোগ রাখতে হবে। দেহ-অভিমানী হয়ে এই শিক্ষাই ধারণ করতে এবং করাতে হবে।

২) মন -বচন -কর্ম দিয়ে ভারতকে সুখ দিতে হবে। মুখ দ্বারা সবাইকে জ্ঞানের দুটো কথা শুনিয়ে তাদের কল্যাণ করতে হবে। শুভ চিন্তক হয়ে সবাইকে শান্তিধাম, সুখধামের রাস্তা দেখাতে হবে।

বরদানঃ- দৃঢ় নিশ্চয় দ্বারা ফার্স্ট ডিভিশনের ভাগ্য নিশ্চিত করে মাস্টার নলেজফুল ভব

দৃঢ় নিশ্চয় ভাগ্যকে নিশ্চিত করে। ব্রহ্মাবাবা যেমন ফার্স্ট নম্বরে নিশ্চিত হয়ে গেছেন, সেইরকম আমাদের ফার্স্ট ডিভিশনে আসতেই হবে -এই দৃঢ় নিশ্চয় রাখতে হবে। ড্রামাতে প্রত্যেক বাচ্চারই গোল্ডেন চান্স আছে। শুধু অভ্যাসে অ্যাটেনশন দিলে সামনের নম্বর লাভ করতে পারো, এইজন্য মাস্টার নলেজফুল হয়ে প্রতিটা কর্ম করতে থাকো। তাঁর সাথে অনুভব বাড়ো, তবে সব সহজ হয়ে যাবে। যার সাথে স্বয়ং সর্বশক্তিমান বাবা আছেন তার সামনে মায়া পেপার টাইগার (কাগজের বাঘ)।

স্লোগানঃ- নিজেকে হিরো পার্টধারী মনে করে বেহদ নাটকে হিরো পার্টে অভিনয় করতে থাকো।